

Bréf dóms- og kirkjumálaráðuneytisins til biskups varðandi beiðni um að Rauðamelssókn í Staðarstaðarprestakalli, Snæfellsness- og Dalasýslu-prófastsdæmi verði sameinuð Fáskrúðarbakkasókn í sama prestakalli.

„Ráðuneytið hefur mótttekið bréf yðar, háæruverðugi herra, dags. 14. nóvember 1996, sbr. bréf Ingibergs Hannessonar, prófasts, dags. 7. október 1996, þar sem farið er fram á staðfestingu ráðuneytisins á því að Rauðamelssókn í Staðarstaðarprestakalli, Snæfellsness- og Dalasýsluprófastsdæmi, verði sameinuð Fáskrúðarbakkasókn í sama prestakalli og að hin nýja sókn héldi nafni Fáskrúðarbakkasókn.

Ráðuneytið staðfestir hér með ofangreinda breytingu, enda liggur fyrir samþykki viðkomandi aðalsafnaðarfunda og héraðsfundar, sbr. 4. gr. laga nr. 25/1985 um kirkjusóknir o.fl.

Þetta tilkynnist yður til frekari birtingar.“

Nr. 599

14. nóvember 1996

SAMÞYKKT

um hundahald í Neskaupstað.

1. gr.

Hundahald er bannað í Neskaupstað.

2. gr.

Bæjarstjórn er heimilt að veita lögráða einstaklingum, sem búa í bæjarfélaginu, undanþágu frá 1. gr. og leyfi til hundahalds. Leyfið er bundið við nafn og heimilisfang einstaklingsins og óheimilt er að framselja það. Leyfið er einnig bundið við þann hund sem sótt er um heimild fyrir hverju sinni.

Undanþágur má veita með eftirfarandi skilyrðum í þéttbýli:

- a) Ef sótt er um leyfi til að halda hund í fjölbýlishúsi, skal skriflegt samþykki allra íbúðareigenda í sama stigagangi fylgja umsókn. Sé um að ræða parhús eða raðhús skal fylgja umsókn skriflegt samþykki eigenda aðliggjandi íbúða. Í fjölbýlishúsi með sérstökum inngangi fyrir hverja íbúð skal fylgja skriflegt leyfi allra íbúðareigenda.
- b) Leyfisgjald vegna undanþágu skal greiða árlega til bæjarsjóðs eftir gjaldskrá sem bæjarstjórn samþykkir og staðfest er af umhverfisráðherra. Heimilt er bæjarstjórn að fella niður eða ákveða lægra gjald fyrir nýttjähunda, þ.e. hunda sem notaðir eru til löggæslu eða björgunarstarfa og minnkahunda. Af leiðsöguhundum sem blindir eða sjónþaprir nota vegna fötlunar sinnar skal ekki greiða gjald. Gjaldið skal greitt í fyrsta sinn við skráningu dýrs, og síðan árlega fyrirfram 1. janúar ár hvert. Hafi gjaldið ekki verið greitt innan tveggja mánaða frá gjalddaga fellur leyfið sjálfkrafa úr gildi.
- c) Við greiðslu gjalds samkvæmt b-lið ber leyfishafa að framvísa vottorði dýralæknis, um að hundurinn hafi verið hreinsaður af bandormum og hringormum, svo og öðrum skilríkjum sem máli skipta. Hundar skulu færðir til hreinsunar í október til nóvember ár hvert eftir nánar auglýstum tíma. Mæti eigandi ekki með hund sinn til árlegrar hreinsunar á boðuðum tíma, ber hann sjálfur kostnað sem af því kann að leiða.
- d) Leyfishafi skal hafa hund sinn ábyrgðartryggðan hjá viðurkenndu váttryggingafyrirtæki. Váttrygging skal ná til alls þess tjóns sem dýr hans kann að valda á mönnum og munum. Lágmarkstryggingarupphæð verði kr. 10.000.000,- (tíu milljónir). Vottorð um ábyrgðartryggingu skal liggja fyrir við greiðslu leyfis og árlegs leyfisgjalds.

- e) Hundurinn skal ávallt bera ól um hálsinn. Á ólinni skal vera plata, sem í er greipt skráningarnúmer dýrsins.
- f) Óheimilt er með öllu að láta hunda ganga lausa í þéttbýli nema á þar til afmörkuðum svæðum. Hundar skulu annars ávallt vera í taumi utanhúss og í fylgd manneskju sem hefur fullt vald yfir þeim. Þegar hundur er í festi á lóð skal lengd festarinnar við það miðuð að óhindrað megi ganga að aðaldrym hússins. Hundeiganda er alltaf skylt að fjarlægja saur eftir hundinn.
- g) Utan þéttbýlismarka er heimilt að sleppa hundi lausum undir eftirliti umsjónarmanns, án þess þó að gengið sé á rétt viðkomandi landeiganda.
- h) Leyfishafa ber að sjá svo um að hundur hans valdi ekki hættu, óþægindum eða óþrifnaði eða raski ró manna.
- i) Eigi má hleypa hundum inn í almenning afarartæki, leikvelli, íþróttavelli eða aðra þá staði sem um ræðir í III.-V. og VIII.-XV. kafla heilbrigðisreglugerðar nr. 149/1990 með síðari breytingum, en þeir eru m.a. eftirfarandi:
1. Vatnsveitur, vatnsból og verndarsvæði þeirra, brunnar og sjóveitur.
 2. Almennings- og útisalerni.
 3. Hvers konar sorpgeymslu- og sorpförgunarstaði.
 4. Gististaði, veitingastaði og matsölustaði.
 5. Tjald- og hjólhýsasvæði, nema skv. ákvörðun umsjónaraðila.
 6. Húsakynni þar sem geymd eru, framleidd eða seld matvæli.
 7. Skóla, kennslustaði, barnaheimili og gæsluvelli.
 8. Rakarastofur, hárgreiðslustofur, hvers konar snyrtistofur og sólbaðsstofur.
 9. Heilbrigðisstofnanir, hæli, heilsuræktar- og íþróttastöðvar og baðstaði.
 10. Fangelsi og aðrar vistarverur handtekinna manna.
 11. Samkomuhús hvers konar og almennar skrifstofur.
 12. Kirkjugarða, bálstofur, líkhús og líkgeymslur.
 13. Almenn samgöngutæki.
- j) Bannað er að fara með hunda um fólkvanginn, sbr. auglýsingu frá menntamálaráðuneytinu, dags. 29. nóvember 1972, um fólkvang Neskaupstaðar.
- k) Bannað er að fara með hunda á almennar útisamkomur.
- l) Ákvæði staflíða f, i, j og k hér að framan gilda ekki um nytjahunda að störfum eða nytjahunda sem verið er að þjálfa.
- m) Óheimilt er að láta hund dvelja lengur en einn mánuð á heimili án þess að sótt sé um leyfi fyrir honum.
- n) Ekki er leyfilegt að hafa fleiri en tvo hunda á sama heimilinu. Undanþágur og skilyrði á lögbýlum í Neskaupstað:
- o) Ekki þarf að sækja sérstaklega um leyfi fyrir hundahaldi á lögbýlum nema fleiri en tveir fullorðnir hundar séu á heimilinu. Skal þá tilgreind ástæða og umsögn dýraeftirlitsmanns fylgja umsókninni.
- p) Ekki þarf að greiða leyfisgjald af hundum á lögbýlum í Neskaupstað, þó skulu eigendur hunda þar greiða þann kostnað sem af lögbundnum hreinsunum og lækniaðgerðum hlýst, sbr. c lið í 2. gr. eftir því sem við á.
- q) Hundar á lögbýlum mega ganga frjálsir á landareignum eigenda sinna. Að öðru leyti gilda ákvæði 2. mgr. eftir því sem við á.

3. gr.

Umsóknum um leyfi til hundahalds skal skila inn til bæjarstjórnar, eða fulltrúa hennar á þar til gerðum eyðublöðum. Bæjarstjóri gefur út umbeðið leyfi að fenginni umsögn dýraeftirlitsmanns. Leyfishafi fær afhenta plötu sbr. ákvæði e liðar í 2. gr. Sé leyfis ekki vitjað mánuði eftir að það er veitt fellur það sjálfkrafa úr gildi.

4. gr.

Dýraeftirlitsmaður skal vera starfandi í Neskaupstað og setur bæjarstjóri honum starfsreglur. Skal hann gefa bæjarstjóra eða fulltrúa hans, sem með þessi mál fer, skriflega skýrslu um þau dýr sem hann þarf að hafa afskipti af.

Dýraeftirlitsmaður skal færa upplýsingar um leyfð dýr í þar til gerða bók. Þar skal einnig skrá nafn og heimilisfang leyfishafa. Dýraeftirlitsmaður skal árlega senda sýslumannsembættinu skrá yfir leyfða hunda.

Dýraeftirlitsmaður starfar í umboði heilbrigðisnefndar. Hann annast eftirlit með hundahaldi í Neskaupstað og nýtur til þess fulltingis lögreglu.

5. gr.

Við minniháttar brot á samþykkt þessari skal hundaeigandi sæta skriflegri áminningu og greiða allan kostnað er leiðir af brotinu. Ef um ítrekað eða meiriháttar brot er að ræða gegn ákvæðum þessarar samþykktar eða öðrum reglum sem um hundahald gilda getur bæjarstjórn afturkallað leyfið. Skal leyfishafi þá afhenda hundinn dýraeftirlitsmanni eða lögreglu til ráðstöfunar. Einnig getur bæjarstjórn afturkallað öll leyfi til hundahalds telji hún þess brýna þörf.

Leyfishafa ber atíð að greiða kostnað sem leiðir af broti á samþykkt þessari.

6. gr.

Hunda sem ganga lausir utan húss í þéttbýli skal handsama og færa í sérstaka geymslu á vegum bæjarins. Sama gildir um hættulega hunda og óleyfilega. Kostnaður við töku og geymslu hunda skal að fullu greiddur af eigendum. Hunda sem ráðast á menn eða skepnur og bita skal fjarlægja og er lögreglu og dýraeftirlitsmanni heimilt að lóga þeim þegar í stað. Aðra hunda er heimilt að afhenda ef leyfi er framvísað innan 7 daga frá því að hundurinn er kominn í vörslu dýraeftirlitsmanns enda verði áfallinn kostnaður greiddur áður en það er gert. Að öðrum kosti ber að aflifa hundinn, enda hafi eiganda verið tilkynnt um töku hundsins, ef unnt er.

7. gr.

Sinni leyfishafi samkvæmt samþykktum þessum ekki skriflegri áminningu eða brjóti endurtekið af sér er bæjarstjórn heimilt að beita hann dagsektum og svipta hann leyfi, sbr. ákvæði 4. mgr. og 6. mgr. 27. gr. í lögum um hollustuhætti og heilbrigðiseftirlit nr. 81/1988, með síðari breytingum. Skal leyfishafi greiða allan kostnað er til fellur vegna brota hans á samþykktinni.

Með brot á samþykkt þessari skal fara samkvæmt ákvæðum laga nr. 81/1988 um hollustuhætti og heilbrigðiseftirlit.

8. gr.

Samþykkt þessi er samin og samþykkt af bæjarstjórn Neskaupstaðar og staðfestist hér með samkvæmt lögum nr. 81/1988 um hollustuhætti og heilbrigðiseftirlit til þess að öðlast gildi þegar í stað. Um leið fellur úr gildi samþykkt um hundahald í Neskaupstað útg. 12. ágúst 1992.

Umhverfísráðuneytinu, 14. nóvember 1996.

F. h. r.

Ingimar Sigurðsson.

Sigurbjörg Sæmundsdóttir.